

Broj: 03-03-40-212/20  
Datum: 12.02. 2020. god.

*IZVOD IZ ZAPISNIKA*

Sa Četrdesete sjednice Vijeća FIN-a održane dana 12.02.2020. godine u prostorijama dekanata sa početkom u 14 sati.

Usvaja se

DNEVNI RED:

1. Usvajanje zapisnika sa Četrdesete redovne sjednice Vijeća
2. Prijedlog izmjene plana nastave u akademskoj 2019/20,
  - Katedra za šerijatsko pravo (fikh)
  - Katedra Filologije Kur'ana, predmet Engleski jezik
3. Kadrovska i personalna pitanja:
  - a) Izvještaj komisije po raspisanom konkursu za izbor u akademsko zvanje:
    - Vanredni profesor, naučna oblast Filologija Kur'ana,
  - b) Prijedlog donošenja odluke o imenovanju komisije po raspisanom konkursu za izbor u akademsko zvanje:
    - Viši asistent, naučna oblast Islamska civilizacija
4. Treći ciklus studija:
  - Izvještaj sekretara Vijeća doktorskog studija:
  - a) Izvještaja Komisije o toku i rezultatu odbrane doktorske disertacije pod naslovom: „Poetika kur'anskih kazivanja“, doktoranda hafiza mr Elmira Mašića
  - b) Obavijest o održanoj prezentaciji radne verzije doktorskog rada pod naslovom: „Temeljna učenja alevija“, doktoranda mr Sameda Omerdića
  - c) Obavijest o održanoj prezentaciji radne verzije doktorskog rada pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, doktoranda hafiza mr Adnana Srebrenice
  - d) Obavijest o održanoj prezentaciji radne verzije doktorskog rada pod naslovom: „Tesavvufsko-odgojna misao Ibn ‘Aṭā’illāha as-Sakandarīja”, doktoranda hafiza mr Edina Dedića
5. Drugi ciklus studija:
  - Salih Ćato - Molba za promjenu mentora i teme master rada – drugi ciklus studija,
  - Molba kandidata Hasana Hasića za imenovanje komisije ocjenu i odbranu magistarskog rada pod naslovom: "Komparativno-kontrastivna stilografska analiza Prijevoda Kur'ana hafiza Sejjida Zenunovića i ostalih prijevoda Kur'ana"
  - Molba kandidata Ammara Bašića za imenovanje komisije ocjenu i odbranu magistarskog rada pod naslovom "Sadržajni i strukturalni aspekti hutbi Poslanika, s.a.v.s."

- Molba kandidata Ejuba Jašića za imenovanje komisije ocjenu i odbranu magistarskog rada pod naslovom: "Prevođenje ajeta u djelima Mehmeda Handžića".
- 6. Međunarodna saradnja,
- 7. Prof. dr. Ahmet Alibašić, Izvještaj o putovanju na Fidži, 19-24.1.2020. god.
- 8. Razno.

**Ad. 1.** Izvod iz Zapisnika sa Četrdesete redovne sjednice Vijeća. Član Vijeća prof. dr. ahmet Alibašić istakao je da je greškom u Odluci polaganja razlike predmeta Student drugog ciklusa studija - master „Islam u Evropi", Abdelhakim Bouchraa upisan u akademskoj 2019/2020. godini umjesto predmeta pod br: 6. Religijska pedagogija unijeti predmet Usuli fikh. Kako članovi Vijeća nisu imali primjedbi na ostali tekst Zapisnika, isti se usvaja.

**Ad. 2.** Prijedlog izmjene plana nastave u akademskoj 2019/20:

- a) Katedra za šerijatsko pravo (fikh). Rukovodilac Katedre za šerijatsko pravo (fikh)

Donosi se

#### ODLUKA

o izmjeni Plana nastave u akademskoj 2019/20. Godini

Doc. dr. Senad Ćeman u ljetnom semestru akademske 2019.2020. godine izvodit će predavanja na predmetu Savremene fikhske teme (INFI 2209) umjesto prof. dr. Enes Ljevakovića, spoljnjeg saradnika Fakulteta.

- b) Katedra Filologije Kur'ana, predmet Engleski jezik.

Donosi se

#### ODLUKA

Utvrđuje se prijedlog izmjena i dopuna Nastavnog plana i programa u okviru prvog ciklusa studija - Studijski program Islamske teologije i Islamske vjeronauke i religijske pedagogije, studijskog programa za imame, hatibe i muallime - uvođenje predmeta „Engleski jezik“ kako slijedi:

<b>Šifra predmeta:</b> INOP1106; INOP 3106; INOP 2106	<b>Naziv predmeta: Engleski jezik</b>		
<b>Ciklus: 1</b>	Godina: Teološki - 1 IVRP i imamski - 2	Semestar: Teološki - 1 IVRP i imamski - 3	Broj ECTS kredita: 2
<b>Status: Obavezni</b> (Slušanje/pohađanje nastave, obavezno za studente koji na ulaznom ispitu početkom semestra nisu pokazali da vladaju engleskim jezikom na srednjem nivou ( <i>intermediate B1</i> ), što odgovara samostalnom korisniku jezika.)		<b>Ukupan broj sati: 45</b> (Predavanja 15 + Vježbe 15 + lektorske vježbe 15)	

Član 2.

Mijenja se broj ECTS bodova na sljedećim predmetima kako slijedi:

	ŠIFR A	Islamska teologija	SAT I	ECTS	ŠIFR A	Program za imame, hatibe i muallime	SAT I	ECTS	ŠIFR A	Islamska vjeronauka i religijska pedagogija (IVRP)	SATI	ECTS
1.	INKI 1101	Učenje Kur'ana (Kiraet) I	1+1+1	4	INFI 3202	Islamsko obredoslovlje (Ibadat) I	2+0+1	4	INKI 2203	Učenje Kur'ana (Kiraet) III	2+0+1	4
2.	INAR 1101	Arapski jezik za teologe I	2+2+1	4	INRP 3201	Pedagogija	2+1+1	4	INAR 2203	Arapski jezik za pedagoge III	2+1+1	4

Član 3.

Ova Odluka se donosi radi usklađivanja nastavnih planova na Fakultetu islamskih nauka sa zaključkom Senata br. 01-38-28/19 od 23.1.2019. godine.

**Ad. 3.** Kadrovska i personalna pitanja:

a) Izvještaj komisije po raspisanom konkursu za izbor u akademsko zvanje:

- Vanredni profesor, naučna oblast Filologija Kur'ana.

Na osnovu Odluke Nastavno-naučnog vijeća Fakulteta islamskih nauka Univerziteta u Sarajevu br. 03-03-40-66/20 od 15. 01. 2020. godine, Komisija u sastavu:

**1. Dr. Amrudin Hajrić, vanredni profesor, predsjednik**

**2. Dr. Mejra Softić, redovni profesor, član**

**3. Dr. Enes Karić, redovni profesor, član**

imenovana je sa zaduženjem da nakon završenog Konkursa za izbor u akademsko zvanje za naučnu oblast Filologija Kur'ana, a na osnovu uvida u prispjele prijave, predloži Nastavno-naučnom vijeću kandidata koji ispunjava uvjete predviđene Konkursom.

Po isteku vremena trajanja Konkursa, Komisija je ustanovila sljedeće:

- Na Konkurs se prijavila samo dr. Zehra Alispahić, docent u naučnoj oblasti Kur'anski i hadiski arapski jezik, pri Katedri za filologiju Kur'ana na Fakultetu islamskih nauka u Sarajevu.

- Dr. Zehra Alispahić se na Konkurs prijavila putem Prijave zaprimljene u Dekanatu Fakulteta islamskih nauka pod br. 07-2-1501/19, dana 27. 12. 2019. godine.

- Dr. Zehra Alispahić je uz Prijavu priložila sljedeće dokumente:

**Diplome:**

a) Diploma o završenoj odgovarajućoj stručnoj spremi (sudski ovjerena fotokopija diplome o završenom studiju na Filozofskom fakultetu Univerziteta u Sarajevu, uz stjecanje zvanja profesora arapskog jezika i književnosti),

b) Diploma o naučnom stepenu magistra (sudski ovjerena fotokopija diplome o završenom postdiplomskom studiju na Univerzitetu Muhammed V u Rabatu (Kraljevina Maroko); sudski

ovjerena fotokopija prijevoda diplome načinjenog od strane ovlaštenog sudskog tumača; rješenje o nostrifikaciji diplome izdato od strane Fakulteta islamskih nauka),

c) Diploma o naučnom stepenu doktora islamskih nauka u oblasti Kur'anski i Hadiski arapski jezik.

**Biografiju,**

**Bibliografiju,**

**Izvod iz matične knjige rođenih,**

**Uvjerenje o državljanstvu,**

**Odluke o ranijim izborima u naučna zvanja na Fakultetu islamskih nauka,**

**Potvrda o mentorstvu u izradi magistarskog rada.**

Nakon što je stekla uvid u podnesene dokumente i bitne prateće podatke o kandidatu, dr. Zehri Alispahić, Komisija Nastavno-nučnom vijeću Fakulteta podnosi sljedeći

## IZVJEŠTAJ

### Podaci iz biografije, toka školovanja i kretanja u karijeri

Dr. Zehra Alispahić rođena je u Rogatici. Osnovnu i srednju ekonomsku školu je završila u Rogatici. Godine 1984. upisala se na Filozofski fakultet Univerziteta u Sarajevu, Odsjek za orijentalne jezike i književnost. Diplomirala je u septembru 1988. godine. Od 1988. do 1998. godine radila je kao novinar u glasilima *Preporod*, *Muslimanski glas* i *Ljiljan*, te na Radiju Stari Grad.

Postdiplomski studij je pohađala na Univerzitetu Muhammed V u Rabatu (Kraljevina Maroko), u periodu od 1998. do 2000. godine. Magistarsku tezu je odbranila 2000. godine. Tema je bila „Metodika izučavanja arapskog jezika u srednjoškolskim obrazovnim institucijama u Bosni i Hercegovini“.

Doktorirala je na Fakultetu islamskih nauka Univerziteta u Sarajevu 18. juna 2014. godine na temu „Arapski prijedlozi i semantika glagola u Kur'anu“ i time stekla zvanje doktora islamskih nauka u oblasti Kur'anski i hadiski arapski jezik.

Od 2001. do 2006. godine, radila je kao profesor arapskog jezika u Gazi Husrev-begovoj medresi u Sarajevu, a od 2005. godine i kao asistent za arapski jezik na Fakultetu islamskih nauka u Sarajevu. U zvanje višeg asistenta izabrana je u julu 2007. godine, a u zvanje docenta u februaru 2015. godine.

U svojstvu koordinatora (od novembra 2016.), a kasnije u svojstvu prodekana (od jula 2019.), nadležna je za sektor naučnoistraživačkog rada na Fakultetu islamskih nauka u Sarajevu.

Bila je dugogodišnji urednik vjerskog programa Radija Federacije Bosne i Hercegovine. Uređivala je i vodila autorske serijale na Radiju Islamske zajednice „BIR“.

Dr. Zehra Alispahić je stekla Certifikat voditelja kvalitete u visokom obrazovanju na Poslovnoj akademiji Ekonomskog fakulteta Univerziteta u Sarajevu.

U prošlom sazivu bila je član Sabora Islamske zajednice u Bosni i Hercegovini, član je Komisije za slobodu vjere Rijasetu IZ u Bosni i Hercegovini i Redakcije *Novog muallima*.

Aktivno govori arapski jezik, a služi se ruskim, engleskim i turskim jezikom.

Veoma je aktivna u području organizovanja naučnih skupova te vjerskih i kulturnih aktivnosti u okvirima Islamske zajednice u Bosni i Hercegovini.

Učestvovala je u radu značajnog broja domaćih i međunarodnih stručnih seminara iz oblasti arapskog jezika, islamske kulture i civilizacije, religije, medija, ljudskih prava i pozicije žene u religiji.

Autor je nekoliko dokumentarnih filmova koji tretiraju teme iz oblasti islamske tradicije Bošnjaka.

## **Bibliografija radova**

### **Radovi objavljeni do izbora u zvanje *docenta***

#### **Autorski radovi:**

1. "Bošnjaci su prvi među muslimanskim narodima ušli u proces demografske tranzicije", *Ljiljan*, br.301, Sarajevo, 1998.
2. "Bošnjaci su radili na poslovima oslikavanja, restauracije i konzervacije Begove džamije u Sarajevu", *Beharistan*, br. 3-4., Sarajevo, 2001.
3. "Dobro nam došlo Najveći Sine"...! *Preporod*, 1/1011, 1. januar 2014.
4. "Kako su mediji pratili odlazak dr. Ahmeda Smajlovića", *Zbornik radova* Fakulteta islamskih nauka, br.13., Sarajevo, 2009.
5. "Mjesto divno kao rajska bašča", *Beharistan*, br. 1., Sarajevo, 2001.
6. "Može li nestati arapski jezik i arapsko-islamska kultura?!", *Znakovi vremena*, br. 38., Sarajevo, 2008.
7. "Muallim u RS i kultura podnošenja", *Novi Muallim*, god. VII, br. 30., Sarajevo, 2007.
8. "O jezičkim manjinama na arapskom govornom području", *Glasnik* Rijasetu Islamske zajednice u BiH, br. 3-4., Sarajevo, 2008.
9. "O problemima u učenju arapskoga jezika", *Pismo*, br. 5/1., Sarajevo, 2007.
10. "Rad u oblasti odgoja ravan je borbi na Allahovom putu", *Novi Muallim*, god. II, br. 7., Sarajevo, 2001.
11. "Sedamsto godina od rođenja Ibn Batute", *Novi Muallim*, god. V, br. 20., Sarajevo, 2004.
12. "U cilju afirmacije arapskoga jezika u BiH", *Novi Muallim*, god. III br. 9., Sarajevo, 2002.
13. "Uspješan čas je dobro pripremljen čas", *Novi Muallim*, god. II, br. 5., Sarajevo, 2001.
14. "Zašto se arapski jezik uči u nearapskom svijetu bez utvrđenih metoda?", *Novi Muallim*, god. I, br. 3., Sarajevo, 2000.
15. "Ibn Mada' – zagovornik pojednostavljenja arapske gramatike u Endelusu", *Zbornik radova* Fakulteta islamskih nauka, br. 15., Sarajevo, 2011.
16. "Edukacijom do konekcije sa raskošnom bajramskom tradicijom", *Preporod*, 20/1006, 15. oktobar 2013.
17. "Naš diskurs o ženi", *Zbornik radova naučnog skupa Islamski diskurs u BiH: Stanje, perspektive i prioritete*, Centar za napredne studije, Fakultet islamskih nauka, Sarajevo, 2010.
18. "Ramazan u javnom prostoru: Između tradicije i suvremenih marketinških trikova", *Novi Muallim*, ljetno 2013., godina XIV, broj 54. str.74-78.
19. "Svečanost uručenja Menšure reisu-l-ulemi Husein ef. Kavazoviću", *Glasnik*, 11-12, Sarajevo, novembar-decembar 2012.
20. "Žene su nositeljice pozitivnih promjena u društvu", *Novi Muallim*, zima 2011., Sarajevo, 2011.

#### **Hrestomatije:**

*Arapski tekstovi I i II*, hrestomatija, Fakultet islamskih nauka, Sarajevo, 2008 (zajednički rad sa Mr. Amirom Trnka – Uzunović).

#### **Prijevod djela:**

*Ljubav u izgnanstvu*. Prijevod romana *Al-Hubbu fi l-manfa* egipatskog pisca Bahe Tahira, Sarajevo, Tugra, 2010.

#### **Prijevod članka:**

„Amerika nosi arapsko ime” – Intervju s Regis Blasherom, prijevod s arapskog jezika, «Novi Muallim», VII, br. 25., Sarajevo, 2005., str. 47-52.

### **Priredivački rad:**

*Atlas islamskog svijeta*, Udruženje Ilmijje IZ u BiH, Sarajevo, 2002. (koautorski rad: o Africi i Pirinejskom poluostrvu).

*Monografija Islamske zajednice u Bosni i Hercegovini*, Udruženje Ilmijje Islamske zajednice u BiH, Sarajevo, 2013. (koautorski rad o Goraždanskome muftijstvu).

*Muslimani i drugi: Vizija i misija međunarodnog centra za srednji islamski put u Kuvajtu*, Centar za dijalog – Vesatijja i El-Kalem, Sarajevo, 2013. (uređivački i redaktorski radovi).

### **Radovi objavljeni nakon izbora u zvanje docenta**

#### **Autorske knjige:**

1. *Semantička obzorja prijedloga i glagola u Kur'anu*, FIN UNSA i IC Rijaset El-Kalem, Sarajevo, 2019.

#### **Autorski radovi:**

1. „Bosnia and Herzegovina”, u: *European Islamophobia Report 2015*, SETA, Foundation for Political, Economic and Social Research, Seta, Istanbul, Washington, Cairo, 2016. (koautorski rad u okviru aktivnosti Komisije o slobodi vjere Rijaset IZ u BiH)

2. „Auf dem Weg zur Forderung von Wissen: Die Fakultät für Islamwissenschaften in Sarajevo (Na putu promicanja znanja: Fakultät islamskih nauka u Sarajevu)“, u *Schweizerische Gesellschaft Mittlerer Osten und Islamische Kulturen: SGMÖIK SSMOCI Bulletin*, Ciriš, 2016. br. 46.

3. „Gazi Husrev Beg Madrasa – Vorläufer einer Hochschulbildung in Europa – Islamische Kultur“, u *Islamstunde* (udžbenik vjeronauke za 8. razred na njemačkom jeziku u Republici Austriji, 2017.

4. „Mjera je vjera“, u *Suvremena islamska apologetika*, Centar za dijalog Vesatijja, Islamske informativne novine Preporod, Sarajevo, 2018.

5. „Pravo na mir i pokretanje rata u islamskom pravu“, u *Zborniku radova Islamsko pravo i međunarodno humanitarno pravo*, naučni skup o međunarodnom i humanitarnom pravu u organizaciji MKCK i FIN UNSA, Sarajevo, 2018.

6. „Kontekstualizacija prijedloga u arapskom jeziku“, *Zbornik radova Fakulteta islamskih nauka*, br. 18., Sarajevo, 2015., str. 179-193.

7. „Prijedlozi kao raskrivatelji novih semantičkih potencijala u arapskom jeziku“, *Prilozi za orijentalnu filologiju*, 64, Orijentalni institut u Sarajevu, Sarajevo 2015., str. 49-78.

8. „O fenomenu prijelaznosti i neprijelaznosti glagola u arapskome jeziku“, *Zbornik radova Fakulteta islamskih nauka*, br. 19., Sarajevo, 2016., str. 127-144.

9. „Uloga arapskih prijedloga u prijelaznosti glagola“, *Zbornik radova Fakulteta islamskih nauka*, br. 20., Sarajevo, 2017. str. 175-188.

10. „Semantičko polje glagola kretanja u službi promicanja kur'anskih intencija“, *Zbornik radova Islamskog pedagoškog fakulteta Univerziteta u Zenici*, br. 16., Zenica, 2018., str. 349-370.

11. „O pravilnoj i nepravilnoj upotrebi prijedloga u arapskome jeziku“, *Zbornik radova Fakulteta islamskih nauka u Sarajevu*, br. 22., Sarajevo, 2018., str. 217-229.

12. „Dimenzije svetosti jezika i semantičko polje glagola govorenja u Kur'anu“, *Zbornik radova Fakulteta islamskih nauka u Sarajevu*, br. 23., 2019.

13. „Humaniziranje medijskog diskursa kroz prezentaciju medijskih sadržaja”, *Takvim* Rijaseta IZ u BiH, Sarajevo 2015.
14. „Promijenimo sebe pa će se promijeniti i svijet oko nas“, *Takvim* Rijaseta IZ u BiH, 2017.
15. „Plod bosanskog i evropskog iskustva u izučavanju islama“, *Takvim* Rijaseta IZ u BiH, Sarajevo, 2018.

#### **Prikazi:**

1. Mustafa Jahić, Gramatika i stilistika Kur'ana - Sintaksički i semantički aspekti kur'anskog iskaza, Kulturni centar „Kralj Fahd“, Sarajevo 2015., u Preporodu od 15. maja 2015., “Ka boljem razumijevanju i interpretiranju Kur'ana”
2. Mohammad Akram Nadwi, MUHADDISE učenjakinje u islamu / (prijevod sa engleskog Naida Hota-Muminović i Nermina Baljević), Sarajevo, Centar za napredne studije, 2018., 295 str. u Analima GHB, br. 40., 2019.

#### **Recenzije:**

1. Kico, Mehmed, *Kosmopolitizam Nedžiba Mahfuza - u svjetlu translatologije i komunikologije*, El-Kalem, 2016., 216. str.
2. Dedović, Salem, *Riječ nade, hutbe, govori i intervjui*, Muftijstvo mostarsko i MIZ Mostar, Mostar, 2019., 496. str.

#### **Mentorstva**

1. Magistarski rad Emine Kiremitci „Filološki i književno-umjetnički tefsir Aiše Abdurahman“, odbranjen 20. juna 2018.

#### **2. Učešće u naučnoistraživačkim projektima (naučnim studijama)**

1. Izvršni urednik Monografije *Fakultet islamskih nauka 1977 -2017*.
2. Član tima naučno-istraživačkog projekta „Uloga vakufa u razvoju Fakulteta islamskih nauka u Sarajevu“ (akademska 2015/16. – akademska 2017/18.).
3. Organiziranje i vođenje naučno-edukacijskog projekta “Jačanje retoričkih kompetencija mladih vjerskih lidera/ica” u suradnji sa Konrad Adenauerom.
4. „Bibliografija radova o Islamskoj zajednici“ (dio Muslimanski glas i Ljiljan) u suradnji sa IITB, GHB, Bošnjački institut i BZK Preporod (od septembra 2019.)

#### **Mišljenje i prijedlog komisije**

Dr. Zehra Alispahić, kandidat za izbor u zvanje vanrednog profesora u oblasti Filologija Kur'ana na Fakultetu islamskih nauka u Sarajevu, ispunjava sve uvjete predviđene procedurom vezanom za izbor: provela je jedan izborni period u zvanju docenta tokom kojeg je objavila jednu autorsku knjigu i sedam naučnih radova u užoj naučnoj oblasti kojom se bavi, bila je mentor u izradi magistarskog rada, učestvovala je u više naučnoistraživačkih projekata, te je predano i angažovano sudjelovala u nastavnim i odgojnim procesima na Fakultetu islamskih nauka u kojima je ispoljavala stručnu kompetentnost i težnju ka daljem profiliranju i afirmaciji u oblasti za koju se bira.

Pored toga, dr. Zehra Alispahić aktivno učestvuje u razvoju projekata Fakulteta islamskih nauka, kao prodekan za NIR prati i podstiče naučno-istraživačku djelatnost, te svojim istraživačkim i nastavničkim angažmanom pruža zapažen doprinos razvoju arabistike u Bosni i Hercegovini.

Imajući u vidu sve izneseno, Komisija Nastavno-naučnom vijeću Fakulteta islamskih nauka u Sarajevu jednoglasno predlaže da usvoji ovaj Izvještaj i podrži izbor dr. Zehre Alispahić u zvanje vanrednog profesora za naučnu oblast Filologija Kur'ana/Kur'anski i Hadiski arapski jezik. Vijeće Fakulteta, razmatralo je Izvještaj Komisije, te je nakon glasanja utvrdilo prijedlog

### **ODLUKE**

Dr. Zehra Alispahić bira se u zvanje vanredni profesor za naučnu oblast Filologija Kur'ana/ Kur'anski i Hadiski arapski jezik, na period od šest godina s mogućnošću jednog ponovnog izbora.

Prijedlog je dostavljen Rijasetu, Upravi za nauku i obrazovanje i Senatu Univerziteta u Sarajevu na odlučivanje.

- b) Prijedlog donošenja odluke o imenovanju komisije po raspisanom konkursu za izbor u akademsko zvanje: akademskog osoblja oblast Islamska civilizacija - 1 izvršilac - saradnik u zvanju viši asistent, puno radno vrijeme donosi se

### **ODLUKA**

Imenuje se Komisija za izbor akademskog osoblja oblast Islamska civilizacija - 1 izvršilac - saradnik u zvanju viši asistent, puno radno vrijeme

1. Dr. Asim Zubčević, docent, predsjednik
2. Dr. Ahmet Alibašić, vanredni profesor, član i
3. Dr. Zuhdija Hasanović, redovni profesor, član

#### **Ad. 4. Treći ciklus studija:**

- a) Izvještaj Komisije o toku i rezultatu odbrane doktorske disertacije pod naslovom: „Poetika kur'anskih kazivanja“, doktoranda hafiza mr Elmira Mašića.

Izvještaj je pročitao predsjednik Vijeća prof. dr **Adnan Silajdžić**.

Nakon kraće rasprave, Izvještaj Komisije jednoglasno je usvojen.

Ovaj prijedlog prosljeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

- b) Obavijest o održanoj prezentaciji radne verzije dokorskog rada pod naslovom: „Temeljna učenja alevija“, doktoranda mr Samed Omerdića

Zapisnik sa prezentacije pročitao je predsjednik Komisije prof. dr **Adnan Silajdžić**.

Nakon kraće rasprave Zapisnik je jednoglasno **usvojen**.

Zapisnik će, zajedno sa radom, nakon što kandidat unese potrebne korekcije, biti dostupan javnosti, u biblioteci Fakulteta, i to u periodu od 30 dana nakon napisane Obavijesti.

Također, Službi za izdavaštvo Rektorata Univerziteta u Sarajevu bit će upućen Zahtjev za provjeru doktorske disertacije primjenom softvera za detekciju potencijalnog plagijarizma.

Ovaj prijedlog prosljeđuje se Vijeću Fakulteta islamskih nauka na verifikaciju.

- c) Obavijest o održanoj prezentaciji radne verzije dokorskog rada pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, doktoranda hafiza mr Adnana Srebrenice.



Zapisnik sa prezentacije pročitao je član Komisije prof. dr Zuhdija Hasanović.

Nakon kraće rasprave Zapisnik je jednoglasno **usvojen**.

Zapisnik će, zajedno sa radom, nakon što kandidat unese potrebne korekcije, biti dostupan javnosti, u biblioteci Fakulteta, i to u periodu od 30 dana nakon napisane Obavijesti.

Također, Službi za izdavaštvo Rektorata Univerziteta u Sarajevu bit će upućen Zahtjev za provjeru doktorske disertacije primjenom softvera za detekciju potencijalnog plagijarizma.

Ovaj prijedlog prosljeđuje se Vijeću Fakulteta islamskih nauka na verifikaciju.

- d)** Obavijest o održanoj prezentaciji radne verzije dokorskog rada pod naslovom: „Tesavvufsko-odgojna misao Ibn ‘Aṭā’illāha as-Sakandarīja“, doktoranda hafiza mr Edina Dedića.

Nakon kraće rasprave Zapisnik je jednoglasno **usvojen**.

Izvještaj će, zajedno sa radom, nakon što kandidat unese potrebne korekcije, biti dostupan javnosti, u biblioteci Fakulteta, i to u periodu od 30 dana nakon napisane Obavijesti.

Također, Službi za izdavaštvo Rektorata Univerziteta u Sarajevu bit će upućen Zahtjev za provjeru doktorske disertacije primjenom softvera za detekciju potencijalnog plagijarizma.

Ovaj prijedlog prosljeđuje se Vijeću Fakulteta islamskih nauka na verifikaciju.

Predsjednik Vijeća prof. dr **Adnan Silajdžić** obavijestio je članove Vijeća da su stigle odluke Senata Univerziteta u Sarajevu, po kojima su potvrđeni ranije predloženi sastavi komisija za ocjenu radnih verzija doktorskih radova kandidata mr Azmira Jusufija i Samedina Kadića, mastera.

Vijeće Fakulteta usvaja Izvještaj sekretara dokorskog studija.

#### **Ad. 5.** Drugi ciklus studija:

- a)** Salih Ćato - Molba za promjenu mentora i teme master rada – drugi ciklus studija. Prof. dr. Ahmet Alibašić, prodekan za nastavu istakao je da je ponuđena lista tema i mentora, te da se student obrati Studentskoj službi.
- b)** Molba kandidata Hasana Hasića za imenovanje komisije ocjenu i odbranu magistarskog rada pod naslovom: "Komparativno-kontrastivna stilografska analiza Prijevoda Kur'ana hafiza Sejjida Zenunovića i ostalih prijevoda Kur'ana" je razmatrana, te se donosi

#### **ODLUKA**

##### *o imenovanju Komisije za ocjenu i odbranu magistarskog rada*

kandidata Hasana Hasića "Komparativno-kontrastivna stilografska analiza Prijevoda Kur'ana hafiza Sejjida Zenunovića i ostalih prijevoda Kur'ana" u sastavu:

1. dr Almir Fatić, vanredni profesor, **predsjednik**
  2. dr Orhan Bajrektarević, vanredni profesor, **član**
  3. dr Džemal Latić, redovni profesor, **mentor, član**
- c)** Molba kandidata Ammara Bašića za imenovanje komisije ocjenu i odbranu magistarskog rada pod naslovom "Sadržajni i strukturalni aspekti hutbi Poslanika, s.a.v.s." je razmatrana, te se donosi

## ODLUKA

*o imenovanju Komisije za ocjenu i odbranu magistarskog rada*  
kandidata Ammara Bašića " Sadržajni i strukturalni aspekti hutbi Poslanika, s.a.v.s." u sastavu:

1. dr Zuhdija Hasanović, redovni profesor, **predsjednik**
2. dr hfz. Dževad Šošić, vanredni profesor, **član**
3. dr hfz. Kenan Musić, docent, **mentor, član**

- a) Molba kandidata Ejuba Jašića za imenovanje komisije ocjenu i odbranu magistarskog rada pod naslovom: "Prevođenje ajeta u djelima Mehmeda Handžića" je razmatrana, te se donosi

## ODLUKA

*o imenovanju Komisije za ocjenu i odbranu magistarskog rada*

kandidata Ejuba Jašića " Prevođenje ajeta u djelima Mehmeda Handžića." u sastavu:

1. dr Enes Karić, redovni profesor, **predsjednik**
2. dr Amrudin Hajrić, vanredni profesor, **član**
3. dr Almir Fatić, vanredni profesor, **mentor, član**

**Ad. 6.** Međunarodna saradnja – Vijeće Fakulteta prima na znanje informacije prodekana za međunarodnu saradnju.

### **Ad. 7.** Razno

Prof. dr. Enes Karić vezano za teme, mentorstva i članstva u komisijama mastera, odnosno magistarskog i doktorskog studija, a koji su u toku predložio je da sekretari i studentska služba u narednih mjesec dana dostave podatke imenovanih komisija i mentora.

Prof. dr. Ahmet Alibašić istakao je da je jako teško doći do podataka obzirom da je mnogo kandidata koji su po generacijama upisani, a da nisu „živi” kao predmeti, a otvorena je mogućnost aktiviranja.

Prof. dr. Ahmet Alibašić, prodekan za nastavu istakao je da je kod uvjetnih predmeta potrebno usaglasiti stavove. Naime, studentima se treba omogućiti da slušaju predmete, sve obaveze koje imaju da izvršavaju, sve do završnog ispita.

Prof. dr. Amrudin Hajrić istakao je da su na Katedri na takav način i postupali.

Mr. hfz. Abdul-Aziz Drkić istakao je da su na Katedri Kiraeta slijedili praksu.

Prof. dr. Mustafa Hasani, prodekan za finansije istakao je da je u amfiteatru postavljena nova prepora ozvučenja, te da će u narednom period održati prezentacija svim uposlenim.

Doc. dr. Zehra Alispahić, koordinatorica za naučno-istraživački rad predložila je da se u amfiteatru na stalku postave zastave BiH i Islamske zajednice u BiH.

Dekan Fakultet pozvao je članove Vijeća da prisustvuju svečanosti u Gazi-Husrev Begovoj Biblioteci koju Uprava za vjerske poslove u saradnji sa Fakultetom i Gazi-Husrev Begovom Bibliotekom organizuje 17. februara tekuće godine sa početkom u 13 sati i 15 minuta u povodu obilježavanja 85. godina izlaženja Takvima.

Sekretar:  
Emina Muderizović

Dekan:  
Prof. dr. Zhudija Hasanović